

Adresseinformasjon fylles inn ved ekspedering. Se mottakerliste nedenfor.

Vår dato: 06.07.2020

Vår ref.: 201200009-35

Arkiv: 511

Dykkar dato:

Dykkar ref.:

Sakshandsamar:

Thomas Mo Willig

22959377/tmwi@nve.no

NTE Energi AS – avslag på søknad om utsett frist for idriftsetting av Vikna vindkraftverk

Noregs vassdrags- og energidirektorat (NVE) viser til søknad av 15.10.2019 med tilleggsinformasjon av 05.11.2019 frå NTE Energi AS (NTE) om utsett frist for idriftsetting av Vikna vindkraftverk frå 31.12.2020 til 31.12.2024. Vikna vindkraftverk ligg i tidlegare Vikna kommune, nå Nærøysund kommune, Trøndelag.

Vedtak

NVE avslår søknaden om utsett frist for idriftsetting av Vikna vindkraftverk frå 31.12.2020 til 31.12.2024.

Historikk

NVE tok imot konsesjonssøknaden om å bygga og driva Vikna vindkraftverk 22.12.2011. Søknaden vart sendt på høyring 02.03.2012 og NTE fekk konsesjon 03.07.2014. Konsesjonsvedtaket vart ikkje påklaga.

NVEs praksis for frist for idriftsetting av landbasert vindkraftverk

NVE handsamar søknadar om endringar av vilkåra i ein konsesjon med grunnlag i energiloven § 10-4 andre ledd. I forarbeida er det blant anna uttalt at endringar etter søknad frå konsesjonæren «*kan være aktuelle dersom konsesjonæren kan påvise at et tyngende vilkår ikke lenger fremmer sitt formål eller at fordelene ved et vilkår ikke lenger står i forhold til omkostninger det medfører for konsesjonæren*».

Alle vindkraftkonsesjonar har vilkår om at anlegget må vere satt i drift innan ein fastsett frist. NVE viser til at det er normal praksis at fristen for idriftsetting av eit vindkraftverk vert satt til fem år frå konsesjonstidspunktet. I tråd med det politiske ynskje om å leggja til rette for landbasert vindkraft i Noreg i samband med elsertifikatordninga, har NVE i dei fleste konsesjonar som er gitt etter 2012 satt frist for idriftsetting lik tidspunktet for avslutninga av elsertifikatordninga. Dette var først 31.12.2020, før det seinare vart endra til 31.12.2021.

E-post: nve@nve.no, Postboks 5091, Majorstuen, 0301 OSLO, Telefon: 22 95 95 95, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Abels gate 9
7030 TRONDHEIM

Region Nord
Kongens gate 52-54
Capitolgården
8514 NARVIK

Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvegen. 1B
6800 FØRDE

Region Øst
Vangsveien 73
Postboks 4223
2307 HAMAR



27.11.2019 sendte NVE brev til alle konsesjonærar og informerte om ny praksis ved handsaming av søknadar om utsett frist for idriftsetting av landbasert vindkraft. I brevet varsla NVE at fristar for idriftsetting normalt ikkje vil forlengast utover 31.12.2021. Brevet viser til omtale av fristar for realisering av vindkraftanlegg i Stortingsmelding 25 (2015-2016) *Kraft til endring – Energipolitikken mot 2030*. På dette grunnlag gir ikkje NVE utsett frist til idriftsetting for landbaserte vindkraftverk utover 31.12.2021, med mindre det føreligg heilt spesielle forhold.

NVE viser ellers til at Stortinget fatta dette vedtaket 19.06.2020:

Stortinget ber regjeringen innenfor gjeldende regelverk ikke gi forlenget frist for idriftsettelse utover 31.12.2021 for vindkraftverk på land som i dag har gyldig konsesjon.

NTE sin søknad om utsett frist for idriftsetting

NTE søkte i brev av 15.10.2019 om utsett frist for idriftsetting frå 31.12.2020 til 31.12.2024. NTE sendte tilleggsinformasjon i brev av 05.11.2019. I anleggskonsesjonen for Vikna vindkraftverk står det i vilkår nr. 1 at «*Anlegget må være satt i drift innen 31.12.2020.*» og i vilkår nr. 2 står det vidare «*Konsesjonæren skal søke om fornyelse av konsesjonen senest seks måneder før konsesjonen utløper*»

NTE grunngjev søknaden med at dei ser utbygginga av Vikna vindkraftverk i samband med planen for utbygging av Ytre Vikna vindkraftverk trinn II. NTE viser til at NVE har innvilga utsett frist for idriftsetting på Ytre Vikna vindkraftverk trinn II til 31.12.2024.

NVEs vurdering

NVE vurderer i det følgjande søknaden om utsett frist for idriftsetting for Vikna vindkraftverk. I vår handsaming legg me vekt på vårt brev av 27.11.2019, jf. Stortingsmelding 25 (2015-2016).

Det er etter NVEs vurdering ikkje lagt fram argument i søknad og tilleggsinformasjon som tilseier at vi vil fråvika vår praksis med omsyn til fristutvidingar utover 31.12.2021, jf. vårt brev av 27.11.2019.

Andre relevante forhold

Etter at Stortinget har handsama Stortingsmelding 28 (2019-2020) *Vindkraft på Land*, om konsesjonsprosessen for vindkraftsakar, kan Vikna vindkraftverk vurderast på nytt av NVE dersom saken vert fremma i tråd med nye konsesjonsprosessar.

Det følger av konsesjonens vilkår nr. 3 at konsesjonen fell bort dersom anlegget ikkje er satt i drift innan 31.12.2020.

Klagerett og orientering

Dette vedtaket kan påklagast, sjå informasjon om rett til å klaga på vedlagt klageark. NTE skal orientera aktuelle grunneigarar og andre rettshavarar om vedtaket, og informera dei om retten til å påklaga vedtaket. NVE skal ha kopi av NTEs orientering av grunneigarane/rettshavarane.

Med helsing

Rune Flatby
direktør

Arne Olsen
seksjonssjef

Dokumentet vert sendt utan underskrift. Det er godkjent etter interne rutinar.



Vedlegg: Klageark

Mottakerliste:

Fylkesmannen i Trøndelag
NTE ENERGI AS
Trøndelag fylkeskommune



Orientering om rett til å klage

Kven kan klage på vedtaket?	Dersom du er part i saka, kan du klage på vedtaket. Du kan også klage på vedtaket dersom du har rettsleg klageinteresse i saka.
Kor skal du sende klaga?	Du må adressere klaga til Olje- og energidepartementet (OED), men sende den til NVE. NVEs e-postadresse er: nve@nve.no . NVE vurderer om vedtaket skal endrast. Dersom NVE ikkje endrer vedtaket, vil vi sende klaga til OED.
Frist for å klage	Fristen for å klage på vedtaket er fem veker frå den dagen vedtaket kom fram til deg. Dersom vedtaket ikkje har kome fram til deg, startar fristen å gå frå den dagen du fekk eller burde ha fått kjennskap til vedtaket. Det er tilstrekkeleg at du postlegger klaga før fristen går ut. Klaga kan ikkje handsamast dersom det har gått meir enn 1 år sidan NVE fatta vedtaket.
Du kan få grunngjeving for vedtaket	Dersom du har fått eit vedtak utan grunngjeving, kan du be NVE om å få ei grunngjeving. Du må be om grunngjevinga før klagefristen går ut.
Kva skal med i klaga?	Klaga bør vere skriftleg. I klaga må du: - Skrive kva for vedtak du klagar på. - Skrive kva for eit resultat du ynskjer. - Opplyse om du klagar innanfor fristen. - Underteikne klaga. Dersom du bruker ein fullmektig, kan fullmektigen underteikne klaga. I tillegg bør du grunngje klaga. Dette betyr at du bør forklare kvifor du meiner vedtaket er feil.
Du kan få sjå dokumenta i saka	Du har rett til å sjå dokumenta i saka, med mindre dokumenta er unnateke offentlegheit. Du kan ta kontakt med NVE for å få innsyn i saka.
Vilkår for å gå til domstolane	Dersom du meiner vedtaket er ugyldig, kan du gå til søksmål. Du kan berre gå til søksmål dersom du har klaga på NVEs vedtak, og klaga er avgjort av OED som overordna forvaltingsmyndigheit. Du kan likevel gå til søksmål dersom det har gått 6 månader sidan du sende klaga, og det ikkje skuldast forsøming frå di side at klaga ikkje er avgjort.
Sakskostnader	Dersom NVE eller OED endrer vedtaket til din føremon, kan du søkje om å få dekka vesentlege og naudsynlege kostnader. Du må søkje om dette innan 3 veker etter at klagevedtaket kom fram til deg.

Denne forklaringa byggjer på forvaltningslovas reglar i §§ 11, 18, 19, 24, 27 b, 28, 29, 31, 32 og 36.